

مجموعۃ ابو الضریا

ماسوا شاہد سندن دلی تطہیرہ چالش
بر تو حکمت و عرفان الہ تنویرہ آتش

ہر ماہ عربی ابتدا سیلہ اون بشندہ نشر اولتور فنون مجموعہ سیدر

جزو ۴۲ [فی ۱۵ ربیع الاول سنہ ۱۳۰۲] نسخہ سی ۳ فروش

بر ذات وارکه دائماً سزدن شکایت ایدر . مع مافیه او ذاتی محافظه ومدافعه
ایتمک سزک منافعکتر اقتضاسندندر . او ذات ایستکه کندیسنگ حرمت
ایدیگی بر شیئه سزدها زیاده ابراز حرمتله برابر کف لسان ایله سکر .
ماحصل بوقطعهده آنی خشنود ایله بیلیرمیدسکر ؟ سزجه ممکن اوله بیلله .
جکمی ؟ شوراسنی اینی تیلکتر لازمدرکه خرسیتیانلق حقنده کی تجاوزات
و تعریضاتکتر او ذاتک نظرندن سقوطکره باعث اولیور .

بو بولده اداره لسان ایدیشم بلکه سزه غریب کورینور . لکن بو
جسارتم محضا سزه بر خدمت اداسی نیتندن نشأت ایدیور . ملاحظاتی
بر سوء نیته حمل ایتمکتر .

شمدی سزدن بر لطف استدعا ایده جکم . بوده اشعار تازه گری
ارسالده دریغ لطف ایلدیکتر دوستارکتر صرہ سنه بنده گری دخی قید
والحاق ایلکتر در . سزه بندن دها صادق بردوست بولنیه جقدر . بونیده
المدن کلورسه بالفعل اثبات ایده جکم .

محبه کز

قونس دو باری

(وه رسای)

فی ۱۵ مایس سنه ۱۷۶۹

مجالس رهبانیه

[مابعد عن جزؤ ۴۱]

روایتہ کوره ایمپراطور بونلری، مقررات مجلسی امضا ایلککه مجبور
ایتمش ایکن مومی الیہما بر تقریب مجلسک ضبطنامه سنی اله کچیره رک اوزرنده
موجود امضالری سیلکدن صکره هر کتدکلری یرده ولدک اب ایله همجوهر
اولدیغنه دائر ویریلان قرارک اثر جهل و حماقت اولدیغنی وعظ و اشاعه یه
باشلامشلا ایدی .

۳۵۹ سنه میلادیه سنده ایمپراطور قونستانس طرفندن (ریمینی) ده

اجتماع ايتديريلان ديگر ايكي مجلس رهبان ايسه انطاكيه مجلس رهبانيسنك
قراريني ترجيح و ترويج ايله « همجوهري » كلمه ضالاه سني رد ايتمشدر . واقعا
بو ايكي مجلسي يالكر (سوسينيلار) تصديق ايدرلر .

ازنيقده اجتماع ايدن پاپاسار « ولدك اب ايله همجوهريكي » بحثيله
او درجه لرده مشغول اولديلر كه بشقه شي دوشمكه وقت بوله مديلر ؛ يالكر
نتيجه مذاكرات اوله رق « روح القدسه دخي اعتقاد ايدرز » قويليله
روح القدسه معتقد اولدقاريني بيان ايلدكلري حالده روح القدسك ماهيتني
تعيين ايتمكي خاطرلرينه بيله گتيرمديلر .

بونقصاني دخي ايمپراطور ثئودورك دعوتي اوزرينه ۳۸۱ سنه سنده
استانبولده انعقاد ايدن مجلس رهبان اكمل ايلدي . مجلس مذكورده
روح القدسك وجودي تصديق و ايدن نشأت ايلديكي تعيين ايلدي .
فقط مؤخرأ لاتين كليسا سي روح القدسك ولدن دخي نشأت ايلديكنه
قرار و يردي . و ۴۴۷ سنه ميلاديه سنده فرانسه نك ليون شهرنده اجتماع
ايتمش اولان بر مجلس رهبان خصوصي ده دخي بو قرار قبول اولنديني گي
نهايت روما طرفندن دخي تصديق ايدلش و بوتجيدات عليهنده روملك
ايتدكلري شكاياته قولاق اصلاماشدر .

بركره مسيحك (حاشا) الوهيتي قبول و تصديق اولندقدن صكره
مزيمه (اللهك والده سي) عنواني و يرمك برامر ضروري ايدى .
اوصره ده استانبول بطريقي بولنان نستوريوس و يرديكى وعظلمده دير ايدى كه :
« مريمه اللهك والده سي عنواني و يرمك الهاريسنه والد و والده
اسناد ايدن بترستاره ضمناً حق و يرمكدر . »

ايمپراطور كنج ثئودوزيوس بو مسئله لري دخي حل ايتديرمك ايچون
۴۳۱ سنه سنده (افز) ده اوچنجي مجلس رهبان عمومى ني اجتماع ايتديردى .
ايشته بو مجلس مريمك (والده رب) اولديغنه صورت قطعيه ده قرار

بطریق نستوریوس حضرت عیسا ده ایکی شخص تصور ایتمکده بولنمش اولدیغندن مجلس مذکورده مرقومک اعتزالنه حکم ایدلمشدر . بونکله برابر آندن صکره کلان (فلاوین) نام بطریق دخی حضرت مسیحده ایکی طبیعت تصور ایدردی .

مقدما نستوریوس علیهنده اعتراضات شدیدده بولنمش اولان (اوتیشهس) نام راهب نستوریوسی بوسبتون باتیرمق نیثیله مسیحک آنجق بر طبیعت مالک بولندیغنی ادعا و نستوریوسک فکرینه مخالف صورته بسط دعوی ایتمشدر . فقط بودفعه راهب مرقوم آلداندی؛ چونکه ۴۹۰ سنه . سنده افزده منعقد اولان مجلس رهبانیده مرقومک ادعاسی صوبه ایله مدافعه و التزام ایدلمش اولدیغنی حالده ایمپراطور ماسیهن طرفندن قالدکهدون (یعنی قاضی کوینده) عقد ایتدیریلان دردنجی مجلس عمومی رهبانیده مسیحک ایکی طبیعت مالک اولدیغنی تصدیق و راهب مرقوم شدیداً آفروس ایدلمشدر .

بوندن صکره حل اولنه جق بر مسئله ده قالمش ایدی؛ اوده بر وجوده و فقط ایکی طبیعت مالک اولدیغنه حکم اولنان مسیحک قوت و نفوذی نه مرتبه لرده اولدیغنی مسئله سی ایدی .

۵۵۳ سنه میلادیه سنده انعقاد ایدن بشنجی مجلس روحانی اوج باش پاپاس منازعه سی اوزرینه مذاکراتنی تطویل ایتمکله مسئله مجبوت عنهای مذاکره وقت بوله مامشدر !

۶۸۰ سنه سنده ایمپراطور قسطنطین پوغونا ط طرفندن آلتنجی دفعه اولق اوزره استانبوله بر مجلس عمومی رهبانی دعوت ایدلدی . بومجلس جناب مسیحک ایکی اراده مالک بولندیغنه قرار ویردی . و بر اراده مالک اولدیغنی فکرنده بولنانلری و بوفکره ذاهب اولان روما پاپاسی برنجی اونوریوسی خاصه آفروس ایتدی .

یارونیوس نام مؤرخك قولنجہ مومی الیہ پایا استانبول بطریقہ یازدینی مکتوبہ دیمش ایدی کہ :

« بز مسیحہ یالکر بر ارادہ موجود اولدیغہ معتقدز . مقدا عقد اولان مجالس رهبانیه و المزدہ بولنان کتب مقدسہ بزہ بونک خلافتہ بر فکر واعتقاد تلقین ایتیمورلر . لکن کندیسندہ ہم الوہیتہ و ہمدہ انسانیتہ موافق طبیعتلر بولمخسندن طولانی ایکی ارادہ مالک اولدینی استدلال اولنیورسہ بن بویفیتک حلنی (صرفیونہ) ترک و حوالہ ایدر و آنی ادرا . گدن عاجز بولدیغنی بیان ایلرم . »

ایشتہ بومسئلہ دن طولانی قاتولیک و اورتودوقس کلیسالرینک یکدیگرینہ برکونہ سرزنششدہ بولمخہ حقلمی یوقدر . چونکہ نستوریوس مسیحہ ایکی طبیعتک وجودینی ادعا ایتدیکندن طولانی آفوروس اولدینی حالہ ذات مسیحہ یالکر بر طبیعتک وجودینہ قائل اولان پایا برنجی اونوریوس دخی عینلہ آفوروس ایدلمشدر .

یدنجی مجلس عمومی رهبانی لئون ایلہ ایرنانک اوغلی ایمراطور قسطنطینک امریلہ ۷۸۷ سنہ سندنہ ازنیق شہرندہ عقد اولمخشدرکہ بومجلس ازنیق ایکنجی مجلس روحانیسی نامیلہ مشہوردر . بودفعہ اجتماع ایدن مجلسک وظیفہ سی تصاویرہ پرستش ایدلمک خصوصنی تأسیس و اتخاژدن عبارت قالدی .

شوراسی معلوم اولمی درکہ ایمراطور لئون زمانندہ و ۷۳۰ سنہ سندنہ و سکسان سنہ صگرہ دخی ایمراطور قسطنطین زمان حکومتندہ اجتماع ایدن خصوصی مجالس رهبانیه دہ دین موسویہ و نصرانیتک ایلک دورلرنده مرعی اولان عاداتہ توفیق حرکت ایدیله رک تصاویرہ پرستش کیفیتی قطعاً منع ایدلمش ایدی .

بودفعہ ازنیقندہ اجتماع ایدن مجلس رهبانی ایسہ اعزہ نک تصاویرینہ پرستش ایدلمسنی موافق مصطحت کورمش و هرکیم تصاویر اعزہ یہ ابراز

حرمت و تعظیمدن و آثاره عبادتدن استکفاف ایدر سه کلیسادن طرد ایدیه .
 جکی اعلان ائشدر . مع مافیه بوقرار اعتراضات شدیدیه دوچار اولدی .
 ۷۸۹ سنه سنده استانبولده بوخصوصک مذاکره سیچون انعقاد ایدن
 بر مجلس خصوصی ده از نیک مجلس عمومیسنک قرارینی ترویجه سعی
 گرونان یاپاسر مجلسدن عسکر و ساطیه طرد و دفع ایدلمشدر . بونکله
 برابر نهایی الامر امپراطور میخائل و والد سی تئودور ۱ زماننده که ۸۴۲
 سنه سنده در . سالف الذکر ایکنجی از نیک مجلسنک قراری قبول اولمش
 و اوضرده اجتماع ایدن بر مجلس خصوصی اعزّه و عزیزانک تصاویرینه
 پرستش ایتیمانلرک آفوروسنه قرار و یرمشدر .

شوراسی شایان دقتدرکه تصاویره پرستش ایدلمسی کیفیتنی الک زیاده
 ترویج ایدنلر ایکی قادین ایدی که بری ایرنا و دیگری تئودورادر .

کله لم سکرنجی مجلس عمومی رهبانه :

امپراطور واسیلوس زماننده استانبول بطریق ایغناسک بطریقلکدن
 انفصالی جهته یرینه فوسیوس تعیین اولمش ایدی . فوسیوس بطریقلکه
 کلیرکلز روما کلیسائی « روح القدس ولدن دخی نشأت ایدر » قولندن
 و سائر خصوصاتدن طولانی تقیج و تضلیل ایلکله برابر ۸۶۶ سنه سنده
 اجتماع ایدن بر مجلس رهبانه تصدیق ایتدیردی . لکن ایرتسی سنه ایغناس
 تکرار بطریقلکه کلدی .

۸۶۹ سنه سنده روما کلیسائی طرفندن عقد ایتدیریلان بر مجلس
 عمومیده روما کلیسائی استانبول کلیسائنک ضالانه حکم ائشدر . قاتولیکلر
 بو (قونسیله) سکرنجی قونسیل نامنی و یرمکده لر ایسه ده شرقیلر سکرنجی
 قونسیلی ذکر اولنان روما قونسیلندن اون سنه صکره انعقاد و فوتیوسی
 بطریقلک کرسیسنه اعاده و اصعاد ایدن مجلس عمومی اولوق اوزره تعداد
 ایدیورلر .

ایشته قاتولیک و ارتودوکس کلیسارینک تامامیله افتراقه بوسکرنجی
قونسیل باعث اولمشدر .

(مابعد وختای کلهجک جروده)

تشرین اولک اون یدیی

جهانه نادرکلان اقتدار فوق العاده اصحابندن بریده ناپولون بوناپارتدرکه
منسوب اولدینی عائله درکه مجهولیتده بولندینی حالده کندییی سائقه ذکا
وفطانتله مراتب بشریه نك اك بلند پایه سنه ارتقا ایده بیلشدر .

مشار اليك احاد ناس صره سندن حکمدارلق مرتبه سنه صعودی
ایچون آره یرده خط وصل حکمنده اولان تاریخ تشرین اولک اون یدنجی
گونه تصادف ایتدیکی جهته یوم مذکور فرانسز لساننده مثل سائر حکمنی
آلمش و بناء علیه فوق العاده بر صورتله نائل اقبال اولانلر حقنده « تشرین
اولک اون یدیسنه تصادف اولمشدر » قولیله تاریخ مذکوره تلیمج ایدیه کلکده
بولمشدر .

فی الحقیقه ناپولون بوناپارتک تاریخ مذکوره قدر بولندینی حال ایله ایرتسی
کونکی حالی یعنی برکون اول فرانسه جنرالی ایکن ایرتسی کونی قراللق درجه.
سنه اتصالی وقوعات مهمه تاریخیه دن اولدینی جهته آره یرده خط وصل
اولان یومک دخی ایام مشهوره تاریخیه صره سنده شمار ایدلمکه لیاقتی درکاردر.
ناپولون کرک ذاتنده و کرک بولندینی زمانک اطوارنده کوردیکی
استعداده کوره برکون فرانسه حکمدارلغنی دخی اله کچیرمک آسان اولدینی
کشف ایتدیکندن قوماندانلقه فرانسه خارجنده هرزه کتسه نکاه
ابتصاری دائماً فرانسه یه منعطف اولور و شکارینه انتظاراً درکین بولنان
برشیردلیر کبی فرانسه ده ظهور ایدن ادنا شمتته قولاق قبارته رق ظهور
ایدهجک فرستدن انتهازه حاضرلنپردی .